



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Art. IV. De Luxuria.

urn:nbn:de:hbz:466:1-40986

tia, nec deerit peccatum. *In multiloquio non deerit peccatum.* PROV. 10.

4. Scurrilitas, quæ excitat ad indecora, vel turpia agenda, aut dicenda, risus vendi causâ.

ARTICULUS IV.

De Luxuria.

Q. 1. *Quid est Luxuria?*

Resp. **Q** Est inordinatus appetitus, vel usus venereorum, aut voluptatis venereæ. Esse peccatum mortale ex genere suo inter omnes constat 1. ex ad Gal. 5. *Opera carnis, quæ sunt fornicatio, immunditia, impudicitia, luxuria ... que prædico vobis, sicut prædicti, quoniam quæ talia agunt, regnum Dei non consequentur.* 2. Quia cùm usus rei venereæ ex natura sua sit institutus, ac necessarius ad conservationem, ac propagationem generis humani, censetur res gravis: ergo inordinatio in hac materia est in re gravi, ergo mortal is.

Luxuria dividitur in perfectam, seu consummatam, quæ consistit in voluntaria effusione semenis; & in non consummatam, in qua non intervenit effusio semenis. Consummata duplex est; alia naturalis, quæ est voluntaria semenis effusio, in qua servantur conditiones, quas postulat natura a-

etius

Etus ad hominis generationem apti, vel requisiiti: alia innaturalis, seu contra naturam, in qua conditiones illæ non servantur.

Q. 2. *Quot sunt species luxuria consummata naturalis?*

Resp. Sex, nempe simplex fornicatio, stuprum, raptus, adulterium, incestus, & sacrilegium: quorum quinque ultima habent specialem, & notabiliter diversam inter se difformitatem superadditam luxuriæ.

1. Simplex fornicatio est copula soluti cum soluta non virgine ex mutuo consensu extra matrimonium. Solutos voco, qui nullo vinculo, seu impedimento ab ineundo inter se conjugio prohibentur. Dixi non virgine, nam ex S. Thom. q. 154. a. 6. fornicatio est concubitus, qui fit cum mulieribus jam corruptis. Fornicationem esse semper per se peccatum mortale, fide constat ex ad Ephes. 5. *Omnis fornicator non habet hereditatem in regno Christi, & Dei.* Et ex I. ad Cor. 6. & ad Gal. 5. supracit. Esse verò intrinsecè malam graviter, patet ex eo, quod per se gravior repugnet bonæ, ac debitæ educationi prolis; hæc enim requirit operam viri, & foeminae, qui sint inter in conjuncti lege matrimonii: alioqui ex natura rei incerta esset,

effet, & periculo exposita prolis institutio. Unde ejusmodi inordinatio est gravis, ut pote in re magni momenti, qualis est bona prolis institutio. Et quamvis hoc incommodum posset impediri in aliquo casu, id esset per accidens, & nihilominus debuit à Deo authore naturæ generaliter prohiberi pro omni casu: nam alioqui homines cupiditate excœcati facile sibi fingerent, & promitterent illud incommodum cessaturum in multis casibus, in quibus non cessaret, cum magno prolis danno. Imò nunquam potest cessare hoc damnum, & incommodum, quod est nasci extra matrimonium, & à parentibus lege matrimonii non obligatis ad curandam, & rectè educandam prolem. Unde Innoc. XI. damnavit hanc propos. *Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.*

Cæterum fornicatio cum concubina est cæteris gravior: quia in concubinatu homo non solum peccat, sed etiam manet in statu peccati, & in continua voluntate saltem virtuali peccandi. Quare concubinarius, quamvis mors immineat, absolvitur non debet, quin priùs concubinam ejecerit, nisi ejiciendi tempus omnino desit, tunc enim sufficit verum ejiciendi propositum. Imò etiamsi eam dominon retine-

at,

at, extra mortis articulum non est absolvendus, antequam habeatur experientia de ejus continentia.

Item fornicatio fidelis cum infideli est juxta omnes longè gravior, quam cum catholica. Imò juxta De Lugo, & alios hæc circumstantia mutat speciem: quia prohibito ab Ecclesia matrimonio cum infideli in honorem religionis Catholicæ, atque ob periculum malæ educationis proli, & nimii amoris erga infidelem, & defectio-
nis à vera fide: ita ob idem motivum cen-
setur prohibita ab ecclesia quævis copula
cum infideli, quæ semper vergit in de-
cuss religionis. Ac proinde talis fornicatio
est non solùm contra castitatem, sed
etiam contra virtutem religionis, ac cul-
tus veri Dei.

Item fornicatio in Christianis habet peculiarem deformitatem. Nam corpora nostra per Baptismum, & Eucharistiam facta sunt membra Christi, & Templa Spiritus Sancti. 1. *ad Cor. 6.*

Copula verò cum alterius sponsa præter luxuriam continet malitiam mortalem injustitiæ, positam in eo, quod fidès data violetur, & res alteri promissa, & ex justitia debita notabiliter corrumpatur. Quod idem de sponso affirmant multi, quia pariter violat in re gravi fidem datam.

2. Stuprum est concubitus, quo mulier Virgo extra matrimonium defloratur, seu cor-

corrumptur. Qui si fiat Virgine coacta, vel per dolum, seu fraudem seducta, præter malitiam fornicationis continet duplum injuriam mortalem, unam factam Virginis, cui honor virginitatis per vim, vel fraudem adimitur; alteram ejus Patri, in cuius custodia manet.

Quod si nec invita, nec seducta fuerit, tamen ejus defloratio præter fornicationis malitiam continet tum injuriam illatam parentibus, qui jus habent tuendi integritatem corporalem suæ Virginis, donec nuptui collocetur, juxta illud Eccli. 7. *Filiati sunt? serua corpus illarum:* tum malitiam contra pietatem illis debitam, præbendo iis gravissimam mœstitudinem, ac ignominiae causam, & ob periculum augendi dotem, vel inuptam retinendi filiam. Item constituit fœminam in gravi periculo deinceps peccandi, & aufert signaculum virginitatis: cui multiplici malitiæ cooperatur stuprator. Quare circumstantia defloratae virginitatis fœminæ, etiam absque vi, dolo, falsis persuasionibus, debet in confessione exprimi, præsertim cum sit verum stuprum ex S. Thoma. 2. 2. q. 154. a. 6.

3. Raptus est, cum persona aliqua per vim abducitur ab uno loco in alium, concubitus illiciti, vel alterius libidinis, aut etiam matrimonii causâ, sive sit mas, sive fœmina, nupta aut innupta, virgo, aut corrupta: sive vis inferatur, soli personæ abductæ

ductæ, sive parentibus solis, sive utrisque. Unde duplum continent malitiam mortalem, unam contra castitatem, alteram contra justitiam ob injuriam illatam personæ abductæ invitæ, vel saltem ejus parentibus, aut tutoribus, dum constituta sub ipsorum custodia extrahitur ipsis rationabiliter invitæ. Gravissimæ pœnæ in utroque jure contra Raptore statuuntur.

4. Adulterium est concubitus personarum, quarum alterutra, vel utraque est conjuncta matrimonio cum alia tertia. Præter malitiam luxuriæ continent gravem injuriam tum contra conjugem; nam vir non habet potestatem corporis sui, sed uxor, nec uxor sui, sed vir ex 1. ad Cor. 7. tum contra matrimonii statum, & sanctitatem.

Quòd si coniux adulterantis consentiat, adhuc concubitus erit contra justitiam: quia est semper contra jus conjugii, & conjugis ut coniux est, quo cedere validè non potest, eò quòd ei competit non ad bonum privatum, sed ratione statu, qui communis est. Unde cùm cessio juris sit nulla, jus manet, & sic tunc violatur: ideoque semper est verum adulterium. Hinc Innoc. XI. damnavit hanc propos. *Copula cum conjugata, consentiente marito, non est adulterium: adeoque sufficit in confessione dicere se esse fornicatum.* Triplex est adulterium. Nam vel est copula conjugati cum

cum soluta, vel soluti cum conjugata, vel conjugati cum conjugata. Si fœmina sit conjugata, gravius est peccatum, quām si vir tantum propter incommoda graviora, nempe incertitudinem prolis, suppositionē prolis alienæ cum damno mariti, & veri hæredis, & sāpe impedimentum generationis. Unde hæc circumstantia declarari debet, etiam ab adultero, quia ipse cooperatur fœminæ ad illam gravitatem maiorem, & ad pericula, ac damna inde sequi nata. Si verò uterque sit conjugatus, adhuc gravius est, quia est duplex adulterium, & duæ injuriæ mortales in utriusque conjugem, exprimendæ in confessione.

5. Incestus est copula personarum consanguinearum, vel affinium intra gradum prohibitum. Opponitur castitati, & pietati, nam præter luxuriæ fœditatem continet turpitudinem contrariam reverentia consanguineis, vel affinibus debitæ. Eò gravius scelus est, quod gradus est propinquior, qui proinde in confessione exprimi debet: nam consanguineis, & affinibus pro diversitate graduum diversus honor, ac pietas debetur, & tunc violatur.

Item multò gravior est incestus cum consanguinea, quām cum affine, v. g. cum sorore uxoris: quia vinculum illud est multò arctius, nam plus est esse coniunctum ex proprio sanguine, quām ratione sanguinis.

nis uxoris; & consanguinitatis propinquitas, utpote immediata, ac naturalis, major est propinquitate affinitatis, quæ est dun-taxat mediata, & voluntaria. Imò incestus in consanguinitate differt specie ab incestu in affinitate: nam reverentia debita consanguineis, quæ violatur, est notabili-ter diversa à reverentia debita affinibus, cùm habeat motivum notabiliter diver-sum, nempe communionem sanguinis, & originem ab eodem stipite, ac proinde h̄i duo incestus habent turpitudinem nota-biliter diversam.

Incestus verò spiritualis, qui est copula illicita inter personas impeditas ob cognationem spiritualem ortam ex Baptismo, vel Confirmatione, continet tum malitiam propriam incestus, quatenus est copula in-ter personas vinculo spirituali conjunctas, cuius conjunctionis intuitu Ecclesia pro-hibuit inter illas matrimonia: tum malitiā sacrilegii, eò quòd prohibitio ista facta sit propter reverentiam debitam Sacra-mento, quæ reverentia violatur per talem copulam. Unde debet explicari cognatio spiritualis in specie, ut innotescat utraque malitia. *Ita de Lugo Sanchez, &c.*

6. Sacrilegium venereum est violatio rei sacræ per actum luxuriæ. Unde duplicem continent malitiam mortalem, unam con-tra castitatem, & alteram contra religio-nem, qua gravis irreverentia D̄o irroga-

Tom. I.

II

tur.

tur. Res autem sacræ, quæ sic violari solent, sunt persona voto castitatis etiam simplici obstricta, & locus sacer.

Quare sacrilegium est. 1. Omnis actus tum externus, tum etiam merè internus luxuriæ sive consummatæ, sive non consummatæ, à persona voto castitatis obstricta, vel ab alia cum illa, aut circa illam commissus: ut sunt pollutio, copula, oscula, tactus, desideria, delectatio morosa, &c. Nam per tales actus violatur sanctitas personæ, quæ per votum castitatis corpus suum, & affectus suos omnes quoad voluptatem venereum Deo consecravit. Quod si utraque persona sit sacra, erit duplex sacrilegium.

2. Omnis actus venereus illicitus exterior, etsi occultus, ut fornicatio, pollutio, & tactus impudici in loco sacro, nempe in Ecclesia, vel cæmeterio. Nam sunt contra reverentiam loci sacri, & ejus intuitu ab Ecclesia prohibentur. Item copula conjugalis etiam occulta, quam non permittit sanctitas loci, & quæ in ejus reverentiam ab Ecclesia prohibetur.

Porro tanto gravius est sacrilegium, quanto fædior est luxuria, quia tanto magis repugnat reverentiæ debitæ rebus sacris.

Not. Peccatum luxuriæ Confessarii cum pœnitente continet malitiam duplicitis sacrilegii, tum contra votum castitatis, tum con-

contra reverentiam Sacramenti, quod per hoc redditur odiosum, ac suspectum, maximè si sumitur ut medium ad peccandum. Imò licet tale peccatum non sit propriè incestus, quia non contrahitur cognatio Spiritualis, nisi ex Baptismo, & Confirmatio-ne. Cap. 3. de Cognat. Spirit. in 5. tamen habet etiam malitiam tanquam incestus spiritualis: nam est incestus quidam similitudinarius, ex c. non debet 30. q. 1. ubi dicitur: *Sic pænitentia quonodo defiliæ spirituali.* & ex c. omnes. eod. *Quia per pænitentiam contrahitur quoddam fædus inter Sacerdotem, & mulierem confitentem simile cognationi spirituali, ut tantam pecet eam carnaliter cognoscens, ac si esset sua spiritualis filia.* ait S. Thom. in 4. dist. 42. q. 1. a. 2. ad 8. hinc circumstantia hæc in confessione exprimi debet. *Sanchez, De Lugo, &c.*

Q. 3. Quenam sunt species luxuria consummata contra naturam?

Resp. Cùm hæc peccata sint ea, in quibus non servantur conditiones, quas postulat natura actus venerei, ut ex eo possit fieri conceptio hominis; & hæc conditiones quinque sint, scilicet conjunctio duorum, eadem in utroque species, sexus diversus, organa, seu vasa apta, & debitus modus: ideo sunt quinque ejusmodi peccata.

U 2

I. Mol-

1. Mollities, seu pollutio formaliter, ac propriè sumpta, quæ est voluntaria semi-nis effusio sine ullo concubitu: sive illud foras effundatur, ut in maribus, sive intus difluat in matricem, ut in fœminis.

2. Inordinatus concumbendi modus, quo semen extra vas effunditur, aut effundi periculum infertur. Est peccatum mortale, cùm repugnet generationi, ad quam & semen ex natura sua ordinatum est; & quidem gravius pollutione, cùm ei superaddat inordinatum congressum. Quod si modus debitus non servetur, sed vir succumbat, vel aversè accedat more peccatum, vel à latere ster, aut sedeat, tunc modo diligenter avertatur periculum effusionis extra vas, juxta communem sententiam non est peccatum per se mortale, sed veniale grave, nec contra naturam, sed præter naturam. Dico *per se*, quia potest esse, & est plerumque signum concupiscentiæ mortalis, cùm sit ex sola libidine sine causa, ut dicit S. Thom. sed nullum erit peccatum, si hoc fiat ex necessitate, cùm scilicet ob dispositionem alterutrius corporis conjuges non possunt servare modum ordinarium; nam tunc alter modus non est incongruus respectu illorum, sed conveniens, modo diligenter avertatur periculum effusionis extra vas.

3. Sodomia imperfecta, quæ est commixtio maris cum fœmina non servatis de-

debitis organis, seu instrumentis natura-
libus.

4. Sodomia perfecta, quæ est commix-
tio duorum ejusdem sexūs, ut maris cum
mare, vel fœminæ cum fœmina. Præter
malitiam mortalem graviorem pollutione,
potest habere alias adjunctas, ut adulterii,
si fiat à persona conjugata, vel cum illa: sa-
cilegii, si cum sacra: incestūs, si cum con-
sanguinea, aut affini, &c. Debet autem
pœnitens explicare in confessione, an fue-
rit agens, vel patiens, quia ex parte agentis
intervenit pollutio propria, quæ fortè non
intervenit ex parte patientis (quamvis
plerumque interveniat utrumque; & cùm
sic intervenisse noscitur, exprimi debet)
nam diversa sunt peccata voluntariè pollui,
& solum cooperari pollutioni alterius:
aliud enim est non cohibere delectationem
propriam illi, itam, aliud procurare alienam.

De Lugo.

Hæc sodomia est diversæ speciei ab im-
perfecta. Nam non servare in copula car-
nali debitum sexum est deformitas contra
rectam rationem notabiliter diversa à de-
formitate, quæ inest congressui, quo non
servatur debitum instrumentum, seu vas,
servato debito sexu.

5. Bestialitas, quæ est concubitus cum
bestia, sive ejusdem, sive diversi sexūs. Est
scelus cæteris gravius, nam magis dedecet
naturam rationalem ad Dei imaginem fa-

U 3

ctam

Etiam; & diversitas speciei magis repugnat instituto naturæ. Ad hoc revocatur congressus cum dæmone in forma hominis, vel bruti, qui præter malitiam luxuriæ contra naturam, est etiam contra virtutem religionis, propter commercium, & societatem cum capitali hoste Dei.

Porro hæc omnia peccata inter se specie differunt, nam singula habent specialem, & notabiliter diversam deformitatem castitati repugnantem. Hinc Alex. VII. damnavit hanc propos. *Mollities, Sodomitria, & Bestialitas sunt peccata ejusdem speciei infima, ideoque sufficit dicere in confessione se procurasse pollutionem.* Sunt etiam graviora aliis speciebus luxuriæ naturalis in ratione luxuriæ: nam per se magis sunt contra naturam, & finem generationis. Aliquæ tamen ex his speciebus possunt esse graviores culpæ ex alia parte, ut scilicet involvunt malitiam alterius speciei, contra justitiam, pietatem, religionem: nam simplex pollutio non est absolute maius crimen, quam concubitus cum matre, vel cum moniali.

Q. 4. An pollutio voluntaria est per se semper peccatum mortale?

Resp. Aff. Ita omnes. constat. I. ex I. ad Cor. 6. Neque adulteri, neque molles regnum Dei possidebunt. & ad Ephef. 5.

Om-

Omnis fornicator, aut immundus non habet hereditatem in regno Christi & Dei. Pollutio autem est vera immunditia, ac impuritas, & quidem specialis. 2. Quia est intrinsecè mala, & crimen simplici fornicatione gravius: nam graviter repugnat generationi, & propagationi generis humani, ad quam ex natura sua ordinatum est semen humanum: ideoque gravem continet inordinationem, quam Scriptura indicat Genes. 38. ubi de Onan fundente semen in terra ait: & idcirco percussit eum Dominus, quodrem detestabilem faceret. 3. Innoc. XI. damnavit hanc propos. Mollities jure naturæ prohibita non est; unde si Deus eam non interdixisset, sape esset bona, & aliquando obligatoria sub mortali.

Quare, secundum communem Doctrinæ sententiam, nullo casu, etsi non voluptatis, sed solius mortis vitandæ causâ, licet in se, vel in alio, quovis modo, pollutionem voluntariè procurare, admittere, vel intendere, aut aliquid sumere ea intentione, ut etiam in somno accidat. Nam ipse actus pollutionis independenter à delectatione, secundum se graviter repugnat generationi, quæ sola est finis seminis humani. Et ideo neque licet præbere, aut sumere medicamentum ad corrumendum semen, illudque emittendum viâ ordinariâ sine delectatione.

Porro de distillatione , quæ est fluxus humoris quasi medii inter urinam , & semen , idem sentiendum est , quod de pollutione , si fiat cum sensu delectationis venereæ . Cùm autem sit sine ulla commotione spiritum genitalium , & absque omni carnali delectatione , de ea non est magis curandum , quàm de sudore , inquit Cajetanus .

Obj. Licet corporis sui partes abscindere ad vitæ suæ conservationem . Ergo , &c .
R. Disparitas est , quòd partes corporis per se , & primariò ordinentur ad totum constituendum : unde de illis disponerelicit ad totius conservationem . At semen solum institutum est , & ordinatum ad speciei propagationem : ideoque eo uti non licet , nisi modo ad speciei propagationem convenientem idoneo , & intra matrimonium . Addit Sanchez , quòd si ullo casu liceret seminis effusionem procurare extra actum conjugii , periculum esset , ne obvehementem voluptatem , quæ in ea sentitur , homines passione excœcati , & illeci eam licentiam facile extenderent ad plures alios casus , in detrimentum speciei humanae , & særissimè illum casum adesse sibi falsò persuaderent . Nam si simul voluptate frui , & onera educandæ prolis vitare liceret , impediretur propagatio generis humani . Unde ad commune bonum , & ad occurrentum periculis aliàs futuris ,
de-

debuit pollutio jure naturali prohiberi in omni casu. At cum abscissio membra sit de se molesta, periculum non est, ne extendatur ultra casus à natura concessos.

Dixi, *voluntaria*. Quia si pollutio non sit voluntaria, nec in se, nec in causa, ut sèpè fit in somno, vel quando ex causis naturalibus licitis oritur, non est peccatum, secluso consensu in delectationem. Nam omne peccatum imputabile est essentialiter voluntarium, vel directè, vel indirectè, aut interpretativè in se, vel in alio.

Pollutio tamen in somno facta mortal is est, si ante directè procurata est, vel si post somnum in ipsa evigilatione cum plena advertentia placuit ob delectationem veneream. Alias non est peccatum, nisi indirectè procurata fuerit in excessu cibi, vel potūs, quia nemo potest peccare in somno defectu libertatis. Ita S. Thom. in 4. dist. 9. a. 4. quod si (ut multi docent) liceat evigilanti non impedire, sed permettere absolvi pollutionem jam in somno cœptam ad vitandum morbum, (modò absit periculum consentiendi in delectationem veneream, ad quod opus est oratione) quia, inquiunt, est præcisè pati ex necessitate effusionem semenis, non autem illam procurare; tunc saltem est obligatio reprehendi delectationem per positivam disciplinam.

U 5

cen-

centiam internam, nam non licet se habere indifferenter ad illam. Certò autem peccat, qui ex pergefactus promovet pollutionem in somno cœptam, addendo conatum: quia non præcisè patitur, sed positivè continuat illam.

Not. Sæpe pollutio, præter propriam malitiam, habet aliam in confessione exprimendam, petitam vel ex qualitate personæ se polluentis, si est sacra, vel conjugata: vel ex affectu ad aliam, cum quæ desideratur concubitus, quæ si sit soluta, malitiam habet fornicationis; si sacra, sacrilegii; si ejusdem sexûs, sodomiæ; si conjugata, adulterii, &c. vel ex modo, quo se polluit, si nempe fiat per tactus mutuos cum alia persona; nam hæc circumstantia pertinet ad speciem sodomiæ, si ambo sint ejusdem sexûs, ad incestum, si sint consanguinei, aut affines, &c. Idem dic de aliis luxuriæ peccatis.

Sed an licet desiderare pollutionem in somno contingentem, ut natura levetur, seu sanetur, non intendendo pollutionem ipsam, nec delectationem venereum, nec aliquid adhibendo, ut pollutio in somno sequatur?

Resp. Azor cum aliis negat: quia pollutio est mala ex objecto suo, & natura: at non licet etiam ob bonum finem desiderare id, quod

quod ex objecto suo malum est. Affirmant alii cum S. Antonin. 2. p. tit. 6. c. 5. ubi ait: *appetere habere pollutionem propter alleviationem naturae tantum sine peccato, id est, sine hoc quod det operam, sed via naturali, non est peccatum.* Ratio, quam affert Sanchez, est, quia talis pollutio non procurata, sed via naturali proveniens, nullatenus est actus hominis, nec ejus voluntati subjectus, sed actus quidam, & evacuatio naturalis, sicut sudor. Sicut de homicidio, & fornicatione, quae non sunt actus naturales, sed suapte naturâ liberi, & hominis voluntati subjecti.

Item controversia est utrum liceat de pollutione in somno inculpabiliter eveniente gaudere, præcisè oblevamen naturæ, & salutem corporis. Quamvis consentiant omnes licitum esse gaudere de bono effectu illo ex ea orto. *S. Thom. in 4. dist. 9. a. 4 q. 1. ad 5.* de pollutione nocturna, & inculpabili ait: *Si autem placeat ut naturæ exoneratio, vel alleviatio, peccatum non creditur.*

Q. 5. *An est peccatum ponere actionem, ex qua prævidetur secutura pollutio, vel delectatio venerea?*

Resp. I. Est mortale ponere sine urgente necessitate actionem, ex qua tanquam causa propinquâ prævidetur secutura pollutio, vel

vel delectatio venerea, quamvis neutra aliunde intendatur, imò adsit propositum illos motus comprimendi, cùm insurgent. Quia 1. Lex naturalis obligans ad non procurandam pollutionem, & delectationem venereum, simul obligat graviter advitandas, & auferendas causas horum motuum proximè excitativas, & per se in illos notabiliter influentes, ubi abest necessitas tales causas honestans. 2. Meritò effectus censetur voluntarius, & imputatur ponenti causam propinquam sine necessitate eam cohonestante. Hinc graviter teneris ejusmodi actionem inchoatam deferere statim ob insurgentem pollutionem, vel delectationem venereum: nam si pergas in illa actione, effectus secutus censetur in illa volitus, volitio enim continuandi causam est virtualiter, & moraliter volitio effectus. *Lessius, Valentia.*

Causæ autem, seu dispositiones propinquæ horum motuum excitativæ, sunt actiones, quæ per se sunt turpes, & natæ excitare motus venereo, aut turpitudinis speciem habent, nisi propriæ, vel alienæ necessitatis titulo honestentur, ut aspectus, & tactus partium pudendarum proprii, vel alieni corporis, præsertim diversi sexus; lectio, auditio, locutio rerum valde obscenarum, & ad libidinem alliciéntium, quamvis ex sola curiositate fiat.

Dixi, *sine necessitate*, nam aspectus, &

129

factus partium pudendarum alterius corporis ob necessitatem medendi, non est peccatum secluso affectu pravo, & periculo consensu in delectationem venereum. Nam in tali casu pollutio secuta non censeretur voluntaria in causa, sed solum permissa; quia adest justa ratio ponendi causam illam, & prosequenti jus suum non imputatur effectus praeter intentionem secutus. Neque enim tenemur motus illos naturales, & per se involuntarios impedire, cum adest justa causa non impediendi, & abest consensu periculum. Sic Chirurgus exercens suam artem circa mulierem, non peccat, etsi prævideat pollutionem inde secuturam, modò absit periculum consensu in delectationem.

Resp. II. Ex communi: non est mortale contra castitatem ponere actionem, ex qua tanquam causa, seu dispositione remota, & per accidens prævidetur secutra pollutio, vel delectatio venerea, modò neutra intendatur, & absit periculum consensu in delectationem venereum. Quia i. cum illi motus facillimè, & frequenter insurgant naturaliter, in estimatione prudenti non censentur sufficienter voluntarii in causa remota, ut imputentur illam ponenti ex alio fine; sed à sola natura corrupta oriri censentur: alioqui enim homo teneretur abstinere à multis actionibus licitis, ac necessariis, ne illos motus experiretur.

retur. Nec causæ illæ remotæ censemur moraliter illorum causæ; nec in illas contentiens censemur velle talem effectum propter summam facilitatem, qua illi motus excitantur ex naturæ corruptione. 2. Quia ius suum prosequenti non imputatur effectus per accidens, & præter intentionem fecutus.

Sanchez tamen *ex communi* docet tales causas sine justa causa ponere esse veniale etiam contra castitatem: quia aliquantulum adversatur castitati, quod sine utilitate honesta cogente ponatur causa remota, & per accidens motuum castitati inimicorum, & ad malum incitantium.

Causæ autem remotæ, & per accidens horum motuum sunt eæ, quæ nec sunt per se turpes, nec ad luxuriam, sed ad alios finis licitos per se ordinantur, nec turpitudinis speciem habent; sed vel per se honestæ sunt, ut auditio confessionum; vel indifferentes, ut equitatio, efus calidorum, studium Medicinæ, & Casuum conscientiæ, medicamenta, &c. Quare hæc accidente honesta, & utili causa, & secluso periculo consensu, sunt licita, quamvis præter intentionem ex iis sequatur pollutio, vel delectatio venerea. Nam tunc illi motus censemur solum permitti, non voliti, eo quod nulla sit obligatio relinquendi opus honestum, & utile propter motum inordinatum, & indeliberatum occasione illius

illius ex naturæ corruptione , præter intentionem , & secluso periculo consensū exsurgentem.

Quod si esset periculum probabile consentiendi in delectationem venereum, (ut si pluriēs quis in tali occasione consenserit) tunc is, ex communi, tenetur ab illa actione, quantumvis honesta, & utili, v. g. auditione confessionum abstinere: nam non licet se probabili peccandi periculo expōnere.

Q. 6. *An est semper peccatum non expellere cogitationes de rebus venereis, sed in illis immorari?*

Resp. Qui immoratur cum plena advertentia in cognitione de rebus venereis, si adsit delectatio venerea, quæ non reprimitur, vel periculum consensū in illam, aut in rem cogitatam, peccat mortaliter ratione talis delectationis, vel periculi: venialiter vero, si advertentia sit solum imperfecta, ac semi-plena, qualis est in semi-dormiente. Qui autem de talibus rebus cogitat ex justa, & honesta causa, v. g. ut tales res melius discernat ad confessarii, vel medici munus rectè obeundum, non peccat secluso periculo consensū in rem cogitatam, & delectationem: quia talis cogitatio non est mala, neque in se, neque in effectu, aut ratione periculi. Erit au-

tem

tem venialis culpa, si hoc ex mera curiositate fiat, seclusis delectatione venerea, & periculo contensus in rem cogitamat, & affectu in ipsam: quæ tamen omnia raro absunt in cogitante de his rebus absque fine honesto; nam hæc materia est valde lubrica, & periculosa.

Q. 7. Quanam sunt peccata Luxuria non consummata?

Resp. Sunt desideria, delectatio morosa venerea, asperitus, amplexus, & tactus impudici, oscula, verba obscœna, gestus turpes &c. sine effusione seminis. Jam censitat ex dictis Cap. 6. desiderium simplex, et si inefficax actus luxuriosi habere malitiam mortalem ejusdem speciei: sic desiderium simplex copulæ cum conjugata, vel consanguinea habet malitiam adulterii, vel incestus, nunc de cæteris agam.

Q. 8. An delectatio morosa venerea extra conjugium est mortalis?

Not. 1. Delectatio morosa est delectatio deliberata, sive delectatio post sufficientem advertentiam admissa, seu approbata, et si unico instanti. Dicitur enim morosa, non à mora temporis, quo durat, cum peccatum mortale unico instanti committi possit; sed voluntatis, quæ post advertentiam

tiam sufficientem ei immoratur, eam acceptando, aut non rejiciendo. Hinc potest esse delectatio morosa, quamvis instantanea, si nempe voluntas in eam advertenter per unicum instans consenserit.

Not. 2. Triplex est delectatio, nempe spiritualis, mere sensibilis, & venerea. Spiritualis est ea, quæ in sola voluntate residet sine ullo motu sensibili in corpore, si-
ve quæ est independens ab omni motu sen-
sibili in corpore. Hæc delectatio, si sit de
actu mortali, est mortal is, & sumit speci-
em ab illo ut obiecto. Delectatio mere
sensibilis est, quæ oritur ex proportione,
ac conformitate rei sensibili cum organo
sensu, sine ulla commotione spirituum
genitalium circa partes venereas: qualis
est delectatio, quæ percipitur ex tactu rei
blandæ, ex gustu, ex Musica, &c. Delectatio
venerea est ea, quæ sentitur circa partes
venereas ex commotione spirituum genita-
lium, seu generationi inservientium.

Resp. Omnis deliberata delectatio vene-
rea, vel minima, extra conjugium quæsi-
ta, aut admissa est mortale peccatum, nec
potest esse veniale ex levitate materiæ.
Eft communis Doctorum sententia Prob.
Quia i. Omnis delectatio venerea ex na-
tura sua ordinatur, ac tendit ad seminis ef-
fusionem, estque inchoatio quædam illius:
nam in omni delectatione venerea fit
quædam resolutio seminis, ejusque dedu-

Etio ad partes venereas, ut testantur Aristot. Galen. Hypocrat. & Medici. Ergo cùm seminis effusio voluntaria extra actum conjugalem sit mortal is, ut patet ex dictis de pollutione, & fornicatione, omnis actus ad illam ex se tendens, & ordinatus est per se mortal is: quippe dispositio sumit suam speciem, ac malitiam moralem à forma, ad quam disponit, motus à termino, ad quem tendit, medium à fine, causa à suo effectu. 2. Inter omnes constat, moraliter, & practicè loquendo minimam delectationem venereum quæsitam, vel deliberatè admissam extra conjugium habere annexum periculum proximum peccati mortal is; eo quod difficillimum sit, & moraliter impossibile in re tam lubrica dijudicare, ac determinare materiam levem, & ob summam naturæ corruptæ in talia propensionem sistere in certa delectationis parvitate, ita ut animus leviore delectatione illectus graviorem non appetat, nec admittat. Ergo certum est etiam speculativè delectationem venereum, vel minimam quæsitam, aut admissam esse mortalem: cùm certum sit etiam speculativè omnem actionem, cui per se annexum est periculum morale peccati mortal is, esse mortaliter malam, nam qui amat periculum, in illo peribit. Eccli. 3. & qui vult morale periculum peccati, vult saltem interpretativè ipsum peccatum.

Obj.

Obj. In furto, in excessu cibi, vel potūs datur levitas materiæ. Ergo, &c. *R.* Dispares est, quod rei viles ablato, levis excessus in cibo, vel potu per se non ordinetur ad actum mortalem, nec inducat periculum graviter peccandi. At delectatio venerea, vel minima ex se ordinatur ad effusionem seminis mortaliter malam extra conjugium, & per se inducit periculum consentiendi majori delectationi.

Not. 1. In Societate nostra omnibus in virtute S. Obedientiae prohibitum est, ne quis publicè, vel privatim sententiam huic oppositam, non modo ut veram, & probabilem, sed ne ut tolerabilem quidem ullæ ratione doceat, aut sibi placere significet, aut secundum illam cuiquam consilium det. ex Congreg. 9. Decreto 24.

Q. 9. An peccat mortaliter, qui post sufficientem advertentiam negativè se habet ad delectationem venereum, eam neque approbando, neque reprehendendo?

Resp. Aff. Quia voluntas tenetur reprimere positivè motus illicitos delectationis, & sensualitatis, saltem per actum displicentiae. Ita S. Antonim. Suarez, Vasquez, Azor, Lessius, & alii, communius cum S. Thom. I. 2. q. 74. a. 6. ubi ait: contingere peccatum esse in ratione dupliciter.

citer. Uno modo, quando imperat illicias passiones... Alio modo, quando non reprimit illicitum passionis motum: sicut cum aliquis, postquam deliberavit, quod motus passionis insurgens est inordinatus, nihilominus circa ipsum immuratur, & ipsum non expellit. Prob. Quia 1. Conc. Trident. sess. 5. can 5. definit concupiscentiam non posse nocere non consentientibus, sed viriliter per gratiam repugnantibus. Ergo ut non noceat, non sufficit mera negatio consensus. sed requiriatur repugnantia, seu displicantia positiva, 2. Tales motus sunt ex objecto graviter inordinati, cum juxta omnes sit mortale illis positivè consentire; item sunt ex natura sua dispositiones proximæ ad opus mortale, ad quod valde pertrahunt, & alliciunt appetitum. Ergo graviter disconvenit naturæ rationali, & legi divinæ se habere indifferenter ad illos; & voluntas, cuius est regere passiones secundum rectam rationem, ac legem divinam, tenet illos expressè, ac positivè reprobare per formalem displicantiam. 3. Sicut non licet se habere indifferenter ad actus turpes ab alio circa se exercitos: ita nec ad motus turpes à dæmone, vel ex naturæ corruptione in se excitatos. 4. Illis motibus per leannexum est periculum intrinsecum rei mortaliter malæ, & consensus in delectationem:

nem: nam ex se sunt dispositiones proximæ ad actum mortalem, nempe effusionem seminis, & per se vehementer alliciunt voluntatem ad consensum per sympathiam appetitus sensitivi cum rationali. Ergo requiritur positiva displicantia ad impedendum voluntatis consensum, sine qua non tollitur periculum consentiendi, cum moraliter impossibile sit voluntatem diu se negativè habere circa objectum vehementer alliciens. Hinc illud prov. 4. *Omnis custodia serua cor tuum.*

Imò sola illa displicantia non sufficit, sed illi motus prorsus expellendi sunt, præsertim deserendo actionem, quæ eos excitat, ni obstat causa justa. Tum quia tunc sola displicantia non videtur satis sincera, cùm vix discerni possit utrum sit vera displicantia, an fallacia voluntatis sibi imponentis, & illis motibus frui volentis. Tum quia homo tenetur impedire, & expellere motus per se graviter inordinatos, saltem cùm abest justa causa eos permittendi. Hinc teneris sub mortali actiones, etsi leviter turpes, ut sunt visus, locutio, lectio rerum leviter obscenarum ex sola curiositate, dismittere statim, atque excitant in te pollutionem, vel delectationem venereum vehementem, ut docet Valentia. Ubi autem abest justa causa non sic expellendi, ut si probabilis timor sit, ne ex maiore resistentia magis augeantur, aut iilis depulsis gra-

viores insurgant, vel si ad illos motus expellendos dimittenda esset actio honesta necessaria, vel utilis, v. g. auditio confessorum, studium casuum conscientiae; tunc sufficiet displicentia vera: alioqui homines deberent semper esse auxii, & multa bona omittere.

Porro medium aptissimum compescendi motus illos est mentem statim aliò avertere; & si perseverent, orare, signo crucis se munire, oculos ad imaginem Christi Crucifixi convertere, cogitare de ejus Passione, de igne æterno, morte, &c. Interdum de re indifferenti, aut negotio, quod animum applicet, & à tali objecto avocet.

Q. 10. An delectatio in rosa de actu luxuria, v. g. copula cogitata, contrahit non solum malitiam substantiae operis, sed etiam circumstantiarum cognitarum ei annexarum, & speciem mutantium?

Resp. Aff. Ita S. Antonin. Cajet. Suarez, & alii: quia talis delectatio versatur circa opus ut cogitatum: ergo illius objectum est id omne, quod cognoscitur; ac proinde non solum opus, sed etiam circumstantiae illi annexæ, & cognitæ, sunt ejus objectum. Actus autem sumunt speciem, ac malitiam à toto objecto suo: & ad illam contrahendam sufficit voluntarium indirectum, ac interpretativum. Hinc simplex delectatio deliberata de copula cogitata

tata cum conjugata, vel consanguinea pertinet ad speciem adulterii, vel incestus.

Q. II. An oscula, aspectus, tactus impudici sunt culpa mortalis in non conjugatis?

Resp. I. Ista omnia, imò & amplexus, oscula, & tactus partium etiam honestarum ut faciei, manus, sunt culpa mortalis, si extra conjugium fiant ob delectationem venereum, quæ potest ex illis sequi, etiam ibi sistendo: idem die de tactu partium proprii corporis. Est communis, & constat ex dictis: nam mortale est extra conjugium querere, aut advertenter admittere quamlibet delectationem venereum, vel minimam, cum hæc parvitatem materiæ non admittat, & ex se tendat ad seminis effusionem, ideoque ad pollutionem, vel fornicationem in non conjugato.

Hinc (ut docet S. Antonin.) est etiam mortale permittere se tangi, etiam in facie, vel manu, ab eo, qui noscitur ad id moveri amore libidinoso: quia est cooperari, & consentire alterius culpæ mortali. Digni autem sunt morte, non solum, qui mala faciunt, sed etiam qui consentiunt facientibus. *ad Rom. I.*

Resp. II. Tactus partium pudendarum, aut pudendis proximarum corporis ejusdem, vel diversi sexus sunt mortales, si fi-

ant, vel admittantur sine necessitate medendi, et si non ob delectationem venereum, sed ex sola curiositate, vel joco. Ita Sanchez, Layman, & alii commun. Quia

1. Hi tactus ad delectationem venereum ex se tendunt, illamque valde excitant, & sic sunt causa illius proxima. Imò ex suapte natura ad effusionem semenis referuntur. Ergo simul cum illa graviter prohibentur; nam prohibitā gravitet re aliquā, prohibentur etiam graviter omnia, quæ per se ad illam excitant, & ordinantur. Deinde causa participat malitiam sui effectū.
2. Hi tactus sunt impudici, & comprehenduntur nomine impudicitiae, quæ ad Gal. 5. dicitur excludere à regno Dei.

Hinc seclusa necessitate medendi tactum partium inhonestarum in se permittere ab alio fieri est mortale; & quisque tenetur quantum potest omnino talia impedire in se, & illis resistere, cum sint intrinsecè mala.

Item mortale est propria pudenda sine necessitate tangere, si delectatio venerea ex eo tactu oriatur, & prævideatur: quia per se tendit ad pollutionem. Ita Sanchez, secus dicens, si tactus ille ex curiositate, levitate, absque libidine, & delectationis ac pollutionis periculo fiat; quia deficit animus libidinosus, nec intervenit ea turpitudo, quæ in tactu alieno, nec idem peri-

periculum. Hoc tamen non omnino vacat periculo, nec peccato.

Rsp. III. Aspectus partium pudendarum alterius sexus, item concubinatus viri cum foemina, quamvis non animo libidinoso, sed ex sola curiositate, vel levitate, mortalis est: quia ad venereum libidinem, & pollutionem in hac naturae corruptione per se multum excitat, & periculum morale consentiendi in delectationem venereum affert, & valde honestati naturali adversatur. *Ita Sanchez, Reginal, Layman, &c.*

Aspectus verò pudendorum ejusdem sexus, vel proprii corporis, aut coitus animalium ex sola curiositate, vel levitate, seclusis affectu venereo, scandalo, & periculo pollutionis, ac delectationis venereae, juxta multos est solùm venialis: quia nec graviter honestati adversatur, nec adeò ad luxuriam per se incitat. Potest tamen esse mortalis ratione periculi, spectata spicentis speciali fragilitate: quod non raro adest in juvenibus, quare ab his graviter deterrendi sunt. Et certò mortalis est, si fiat ex voluptate deliberatè quæsita.

Rsp. IV. Amplexus, tactus, & oscula etiam in partibus honestis, ob solam delectationem merè sensibilem, & nondum actu venereum, sunt culpa mortalis inter personas diversi sexus libidinis capaces, saltem si fiant cum mora, vel repetitione, quamvis non intendatur expressè delecta-

tio venerea: quia illi actus sic exerciti, per se non parum excitant commotionem spirituum genitalium, & delectationem venereum, quæ necessitate quadam physica oritur ex tali delectatione sensibili, saltem repetita, vel diurna; & quia supposita propensione naturæ inordinata in voluptates carnis non possunt sic usurpari absque delectatione morosa concubitus: aut saltem in hac naturæ corruptione ingerunt periculum morale delectationis venereæ, & consensûs in illam: & sic sunt causaliter libidinosi, utpote libidinis causæ. Malitia autem talium actuum non ex fine solum, sed etiam ex effectu, quem pariunt, sumi debet. Hinc Alex. VII. damnavit hanc propos: *Est probabilis opinio, quæ dicit: esse tantum veniale osculum habitum ob delectationem carnalem, & sensibilem, que ex osculo oritur, secluso periculo consensu ulteriori, & pollutionis.*

Resp. V. Amplexus, contactus manuum, oscula in facie, si juxta morem patriæ fiant urbanitatis, aut benevolentiarum honestarum causæ non sunt peccata per se: quia non sunt impudica, nec per se tendunt in actum venereum, & fiunt ob rationabilem causam. *Ita commun.* cum S. Thom. 2. 2. q. 154. a. 4. Si vero ista fiant ex aliquâ vanitate, joco, levitate, petulantia veniali, juxta multos sunt solum venialia, modo absit omnis affectus libidinosus, & periculum

Ium peccati gravis tam in se, quam alio, nec habita ratione constitutionis personarum delectationem venereum multum excitant.

Si autem ista sine causa exercita, longiora sint, aut crebro fiant inter personas libidinis capaces, sunt mortalia: quia arguunt affectum ad libidinem, & excitant delectationem venereum, afferuntque morale periculum consensu in illam. Nam (ut recte monent) in materia tam lubrica, quae de se essent solum venialia, si repetantur, aut diutius protrahantur, fiunt mortalia, curiositate, aut levitate degenerante in libidinem.

Quare admittens oscula morosa, aut crebra, aut indecentia, item tactus mamilarum, peccat mortaliter: quia cooperatur affectui libidinoso alterius, qui satis per ista indicatur.

Not. Oscula, amplexus ob delectationem venereum, tactus, & aspectus impudici mortales supradicti ex communi sententia sunt ejusdem specie mortalibus, ac actus consummatus, seu concubitus, ad quem suapte naturâ referuntur, quamvis hic non intendatur: quia sunt dispositio proxima ad concubitum, & media per se ad illum tendentia; quippe dispositio, & media sumunt malitiam à suo termino, & fine: ac proinde ista omnia contrahunt diversam speciem malitiam, pro diversitate personarum,

narum, à quibus, & circa quas exercentur; ut malitiam sodomiæ, si cum simili sexu exerceantur; adulterii, si cum conjugata aliena; incestus, si cum cognata, &c. Nam cùm opera circa eas personas differentia specie: ita etiam actus, qui sunt dispositio, & media per se ad illa tendentia: quare circumstantia agentis & patientis, exprimi debet in confessione. *Ita Sanchez, Lessius, & alii.* Impudicus verò sui ipsius actus ad mollitatem pertinet, nisi aliò referatur ex intentione agentis.

Q. 12. Quale peccatum est loqui, canere, legere, vel audire turpia, & obscena?

Resp. Est mortale, si fiat extra conjugium ob delectationem venereum, aut cum probabili periculo illius in se, vel in aliis, aut cum animo se oblectandi rebus illis. *Ita S. Antonin. Navar. Sanchez, & alii commun.* Quia delectatio venerea extra conjugium est ex objecto mortalibus, cùm sit mortale ei consentire. Ergo est mortale intendere, vel procurare illam, aut ejus periculum probabile in se, vel in aliis. Delectatio verò de actu turpi apprehenso est per sem mortalibus: ergo à fortiori, & illam verbis fovere.

Secluso autem omni affectu venereo, & peri-

periculo delectationis venereæ , ac scanda-
li , turpia loqui , vel canere solūm ex levi-
tate , vel legere , aut audire ex mera curio-
sitate est talitem veniale . Nam hæc adver-
santur castitati , & prohibentur Ephes . 4 .
Omnis sermō malus ex ore vestro non pro-
cedat . & c . 5 . fornicatio autem , & omnis
immunditia , nec nominetur in vobis . sicut
decet sanctos ; aut turpitudo , aut stulti-
logium , aut scurrilitas . Tamen juxta
S. Antonin . & alios non est mortale , quia
non est per se gravis inordinatio . De hoc
nulli dubium est , quod qui dicit verba tur-
pia , & lasciva hac intentione , ut se , vel
alium provocet ad luxuriam , vel se mente
delectandi in locutione , & cogitatione
turpium , extra matrimonium mortaliter
peccat ... sed ubi talia verba turpia di-
cuntur ex quadam levitate ad solatium ,
quamvis de se non videantur mortalia ,
quia peccata oris secundum Thomam per
maxime judicantur quoad gravitatem
peccati ex intentione proferentis : tamen
per accidens potest esse mortale ibi , ratione
scandali , seu ruinæ inde sequentis in mente
alicuius , ut cum audientes sunt debiles
spiritus , & verba essent multum lasciva .
Idem videtur dicendum de facientibus ,
vel cantantibus cantilenas plenas lasci-
viis . ait S. Antonin . p . 2 . tit . 5 . c . 1 .
§ . 8 .

Sed quia in praxi raro abest periculum
tur-

turpis desiderii, aut complacentiæ, sive in proferente, ac legente, sive in audientibus; sermones, cantiones, vel lectiones rerum turpium, ac lascivarum in vel coram juvenibus, aut aliis infirmis spiritu raro vacant culpa mortali: nam corrupti mores bonos colloquia mala. 1. ad Cor. 15. & præbent verba ad res ipsas ingrediuntur. ait S. Athanas. hinc obscena proferens tenetur in confessione exprimere numerum eorum, quibus fuit occasio turpis desiderii, vel delectationis. Qui vero alteri præbet occasionem sermonis turpis continuandi cum aliorum periculo, vel præstat autoritatem verbis turpibus, peccat mortaliter, etiam si rem narratam interiorius non approbet: nam complacentia, vel approbatio exterior rei mortalis est mortalibus. Idem est de gestibus turpibus, ac de turpiloquiis, cum sint etiam signa ad luxuriam incitania, & de turpibus spectaculis, ac comediis. Qui autem libros turpes, & amatorios habent, non sunt absolvendi, nisi illos comburant.

Q. 13. An licent oscula, amplexus, tactus, &c. in sponsis, & viduis?

Resp. I. Omnis delectatio venerea, asperitus, & tactus turpis, seu partium pudendarum, & quivis actus luxuriæ sunt mortales in Viduis, & sponsis. Ita Sanchez, & alii

alii commun. quia cùm omnis delectatio venerea, & aëtus libidinosus suâpte naturâ ordinetur, ac tendat ad effusionem seminis, & copulam, est mortal is in non conjugatis, cùm effusio seminis, & copula sit in ipsis mortal is: nam medium à fine, & actio à termino, ad quem tendit, malitiam, ac speciem sumit. Cùm ergo copulam sit sponsis, ac viduis illicita, quâm alii solutis; tam etiam iis illicitus est omnis actus turpis, ac impudicus. Et verò cùm sponsalia sint solum promissio futuri matrimonii, non traditio corporum; nullum tribuunt jus præsens in corpus alterius in ordine ad copulam hîc, & nunc exercendam, nec proinde ad actus, qui ad illam per se ordinantur: sicuti munus Judicis exercere hodie non licet ei, cui præcisè promissum est.

Itaque solum licent sponsis amplexus, & oscula honesta, juxta morem patriæ, amoris honesti significandi, & fovendi causâ. Hinc sponsi non debent relinquì soli, ob periculum actuum impudicorum, vel etiam copulæ, ut S. Carolus, & Doctores passim monent.

Resp. II. In sponsis, ac viduis mortal is est voluntaria delectatio carnalis, seu delectatio appetitus sensitivi de copula futura, aut præterita, vel de copula apprehefa sub conditione, si adesset matrimonium, Ita Sanchez, Azor, & alii commun. Quia de-

delectatio carnalis , quæ ex cogitatione copulæ futuræ , vel præteritæ , vel conditionalis oritur , est delectatio absoluta , præsens , & conjuncta cum actuali commotione spirituum genitalium per se ordinata ad copulam præsentem : sive carnalis illa delectatio est delectatio venerea præsens , & voluntaria , quæ ex se ordinatur ad copulam præsentem , ideoque semper mortalis est in non conjugatis : nam copula præsens , seu actualis semper est mortalis in non conjugatis , ergo & omnis actus ad ilam ex se ordinatus , ac tendens . Et vero appetitus sensitivus sequitur imaginacionem , quæ non potest præscindere , nec apponere conditiones .

Porro sunt , qui docent posse excusari à mortali eos , qui absque commotione venerea apprehendunt actum conjugalem , ut præteritum , vel futurum , approbantes , quod illum exercuerint , aut exercituri sint ; eò quod non approbent illud opus , nisi quatenus fuit , vel erit iis licitum , sed monent talem mentis apprehensionem , cum vix possit esse sine delectatione venerea , esse statim rejiciendam , & nunquam accersendam . Neque enim est in nostra potestate sistere in delectatione mere spirituali , dum certa objecta apprehendimus .

Q. 14

Q. 14. Quanam sunt filiae Luxuria?

Resp. Ex S. Gregorio, & S. Thoma sunt octo. Quatuor ex parte intellectus, nempe cœcitas mentis, præcipitatio, inconsideratio, & inconstantia: quæ sunt mortales, cùm ideo præceptum aliquod in re gravi violatur. Et quatuor ex parte voluntatis. 1. Amor sui inordinatus, quo luxuriosus carnem suam, & carnis voluptates ita diligit, ut in iis finem ultimum ponat, suas cogitationes, ac curas ad illarum assecutionem referendo. 2. Odium Dei, qui voluptates illas graviter vetat, & punit. 3. Affectionis præsentis sæculi, hoc est, vitæ præsentis, & rerum hanc oblectantium, quo ita istis inhæret, ut contentus esset in hoc mundo semper manere, de beatitudinis Cœlestis consecutione haud sollicitus. 4. Horror, & desperatio futuri sæculi: horror quidem, quia scit se post mortem impuris voluptatibus privatum iri, & earum loco supplicia acerbissima subiturum: Desperatio verò, quia obsecenas voluptates deserere quasi impossibile reputat. Hæc quatuor sunt mortalia.

Q. 15. Quanam sunt remedia contra Luxuriam?

Resp. Ista. 1. Oratio humilis, & frequens:
Temp. I. Y ne-

nemo enim potest esse casus, nisi Deus det.
Sap. 8.

2. Mortificatio, & custodia sensum,
maximè visū. Virginem ne conspicias,
ne forte scandalizeris in decore illius...
Averte faciem tuam à muliere compta,
& ne circumspicias speciem alienam. Pro-
pter speciem mulieris multi perierunt: &
ex hoc concupiscentia quasi signis exarde-
cit. Eccli. 9. & S. August. Epist. 109. ait:
Oculi vestri etsi jaciuntur in aliquem, fi-
gantur in neminem... nec solo tactu, sed
affectu quoque, & aspectu appetitur, &
appetit fāmina. Nec dicaris vos habere
animos pudicos, si habeatis oculos impudi-
cos.

3. Sobrietas, seu usus moderatus vini,
quod non solum modicum, sed etiam aqua
permixtum sit, præsertim in juvenibus:
nam ex Prov. 20. Luxuriosa res vinum.
Item abstinentia, seu moderatus usus ci-
borum, nam copia nimia humorum, &
sanguinis suppeditat materiam tentatio-
num carnis: temperantia autem super-
fluitatem humorum impedit, ac tollit.
Unde Ezech. 16. dicitur: *Ecce hac fuit*
iniquitas Sodome, superbia, saturitas
panis, & abundantia, & otium ipsius,
& filiarum ejus... & fecerunt abomina-
tiones coram me.

4. Vitatio occasionum, quales sunt familiaritates, & colloquia inter personas diversi sexus, frequentatio improborum, lectio librorum obscenorum, & amatoriorum, choreæ, comœdiæ, spectacula. &c. Hoc vitium vincitur fugiendo. *Contra libidinis impetum apprehende fugam, si vis obtinere victoriam.* Ait S. Augustin. & qui amat periculum, in illo peribit. Eccli. 3. quo circa monendi sunt parentes, ne unquam lectum communem permittant pueris diversi sexus, etiam fratribus, & sororibus, nec patientur secum liberos decumbere in eodem lecto, nec si grandiores sint, in eodem cubiculo. Hoc enim perniciosum est eorum castitati, ut experientia constat.

5. Fuga otii, multam enim malitiam docuit otiositas. Eccli. 33.

6. Frequens Confessio, & Communio cum debitiss dispositionibus.

7. Carnis macerationes, & jejunia, ciliatum, catena ferrea, &c. Nam *hoc genus non ejicitur, nisi per orationem, & jejunium.* Mat. 17. & contraria contrariis curantur.

8. Eleemosynæ, & alia charitatis opera, quæ valent ad obtainendas à Deo uberiores, ac potentiores gratias.

9. Assidua piorum librorum lectio, & Meditatio Passionis Christi, ac æternorum. *In omnibus operibus tuis memorare no-*

vissima tua, & in aeternum non peccabis.
Eccli. 7.

10. Occurrente tentatione cogitare Deum adesse præsentem, justum peccati vindicem, & virtutis remuneratorem; & sepe animo volvere illud S. Gregorii: *momentaneum est, quod deleat, aeternum, quod cruciat.*

11. Initio temptationis fortiter resistere, & statim avertere cogitationem ad quidvis aliud licitum primò occurrens, sed præsertim ad Passionem Christi, &c. *Diabolus serpens est lubricus, cuius si capiti, hoc est, prima suggestioni non resistitur, totus in interna cordis, dum non sentitur, illabitur.* Ait S. Hieron. in Eccles. c. 9. *resistite diabolo, & fugiet à vobis.* Jac. 4. si nihilominus tentatio duret, orare, cogitare de morte, de pœnis inferri, &c. Intueri imaginem Christi patientis, vel eum animo contemplari, signo Crucis cor munire; considerare neminem quantacunque fame prematur, sumpturum esse cibum, si sciret venenum ei esse admixtum, ideoque sibi mortem illaturum, *nunquid potest aliquis gustare, quod gustatum affert mortem?* Job 6. quanto magis metus certæ mortis animæ deterrere debet.

12. Nascente in voluptatis sensum præsenti aliquo dolore accito extinguere.

Denique multum juvabit habere stabilem Confessarium pium, ac prudentem, ejus:

ejusque pia Consilia sequi: nam suggeret remedia, quæ pœnitenti erunt utiliora, & huic tentationi superandæ aptiora.

Not. Ista remedia valent etiam contra alia vitia, & tentationes.

ARTICULUS V.

De Ira.

Q. 1. *Quid est Ira?*

Resp. Est inordinatus appetitus vindictæ. Ira autem est inordinata dupliciter sit. Ex parte objecti, cum quis vindictam optat ei, qui non meruit, vel majorem, quam, meruit, vel inferendam sine legitima authoritate; vel licet sit justa, non tamen eam appetit ut justam, sed ut satiativam animi sui malevoli. Ira sic inordinata est peccatum mortale ex genere suo, cum sit contra charitatem, & justitiam. Hinc ad Gal. 5. ira numeratur inter opera carnis excludentia à regno Dei. Potest tamen esse venialis ob defectum sufficientis advertentiæ, vel ob levitatem materiæ.

2. In modo irascendi, utpote si quis nimis ardenter irascatur interius, vel si nimis exterius manifestet signa Irae. Et sic ira secundum se non habet ex suo generationem peccati mortalis. Ait S. Thom.